

[View email in browser](#)

VIJESTI


Novi vizualni identitet Infrastrukture prostornih podataka Federacije Bosne i Hercegovine (IPP FBIH)

IPP FBIH je nedavno predstavio svoj novi vizualni identitet koji ima za cilj osnažiti prepoznatljivost i modernizirati komunikaciju s javnošću. Sve elemente novog vizualnog identiteta usvojilo je Vijeće IPP FBIH kako bi se poboljšala komunikacija i podrška održivoj budućnosti za građane Federacije Bosne i Hercegovine.

Novi logotip i slogan: "Spajamo podatke i prostor za održivu budućnost!", jasno odražavaju misiju IPP FBIH.


Saznajte više o novom vizualnom identitetu i njegovim karakteristikama na sljedećem linku <https://ippfbih.gov.ba/>.

Ostanite informirani i pratite daljnje novosti i aktivnosti IPP FBIH na službenoj web stranici i pratite nas na društvenim mrežama za najnovije informacije o IPP FBIH.



Infrastruktura prostornih podataka
Federacije Bosne i Hercegovine
Federalna uprava za geodetske i
imovinsko-pravne poslove

Istražite novi katalog metapodataka



Glavni cilj Kataloga je centralizacija svih metapodataka o prostornim podacima u Federaciji BiH. Ovo je važan korak prema olakšanom pristupu i korištenju prostornih podataka za sve zainteresirane strane, bilo da su to javna tijela, istraživačke institucije ili privatni sektor.

U Katalogu metapodataka možete pronaći detaljne informacije o skupovima i servisima prostornih podataka, organima i organizacijama odgovornim za njihovo održavanje te uvjetima pristupa i korištenja.

Kako pristupiti Katalogu metapodataka?

Web aplikacija Katalog metapodataka se nalazi na službenoj web stranici IPP FBIH <https://ippfbih.gov.ba/katalog-metapodataka/>, a direktan link za pristup aplikaciji se može pronaći u prozoru podmenija Kataloga metapodataka klikom na opciju Katalog metapodataka, ili unosom ključne riječi pojma u polje za pretragu.



Novi preglednik IPP FBIH



U proteklom periodu unaprijeđen je Preglednik podataka IPP Federacije BiH, koji omogućava prikaz prostornih podataka temeljenih na standardiziranim web servisima koje su uspostavili subjekti Infrastrukture prostornih podataka FBIH.

Novi preglednik omogućava korisnicima jednostavan pristup i korištenje standardiziranih prostornih podataka, ključnih za različite analize i istraživanja. Osnovni cilj aplikacije je olakšati rad s prostornim podacima u Bosni i Hercegovini te potaknuti njihovu širu primjenu u raznim sektorima.

Posjetite našu službenu web stranicu IPP FBIH i pronađite direktan link do Web GIS preglednika. Sve funkcionalnosti i mogućnosti preglednika omogućuju vam brz i intuitivan pristup potrebnim prostornim podacima.

Za više informacija o novom Web GIS pregledniku IPP FBIH, pratite nas na društvenim mrežama i posjetite našu web stranicu.

Zašto Infrastruktura prostornih podataka?

Uspostavom jedinstvenog okvira za prostorne podatke umanjilo bi se dupliciranje i redundancija podataka te minimizirali naponi koje bi trebalo uložiti u prikupljanje i upravljanje podacima. Prostorni podaci dolaze iz različitih izvora i proizvođača, od kojih svaki ima svoje zahtjeve i potrebe. Kako bi kombiniranje podataka iz različitih izvora i od različitih proizvođača bilo moguće bez dodatnih napora, potrebno je koristiti standarde koji će služiti mnogim korisnicima i olakšati korištenje podataka. Na taj način ostvaruju se značajne uštede u resursima, vremenu i novcu, bolja povezanost, kultura dijeljenja i suradnje te se jača transparentnost uprave i donošenja odluka.

Više informacija o Infrastrukturni prostornih podataka možete pročitati u brošuri koju je moguće preuzeti klikom na taster ispod.

[Brošura](#)

Iskustva subjekata u provedbi aktivnosti IPP FBIH

"Kantonalni zavod za urbanizam i prostorno uređenje u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona je u proces uspostave Infrastrukture prostornih podataka u Federaciji BiH ušao u aprilu 2023. godine, prisustvom na Javnim konsultacijama u vezi izrađenog Nacrta Strategije IPP FBIH za period 2023.-2027. godine. Već tada smo prepoznali da je važno biti Subjektivom IPP i da želimo biti dio tog poduhvata koji našu zemlju približava EU integracijama. I u svim narednim fazama (izrada Registra subjekta i izvora podataka, davanje sugestija na izrađene akte, izrada metapodataka izvora podataka Zavoda, sugestije u vezi ETL procedura) smo uzeli aktivno učešće i potrudili se biti konstruktivnim sudionikom. Kao subjekt čiji je izvor podataka namjena/korištenje zemljišta (Land Use), kreirali smo jednu pilot prostornu bazu podataka koja je usuglašena s implementacijskim pravilima INSPIRE Direktive. Osobno mi je bila čast što je taj trud prepoznat od strane Federalne uprave za geodetske i imovinsko-pravne poslove (FGU) i što sam pozvan da podijelim naše iskustvo na konferenciji „Dani infrastrukture prostornih podataka Federacije Bosne i Hercegovine“, održanoj od 26. do 27.10.2023. god. u Neumu."

Damir Črnica,

koordinator IPP FBIH aktivnosti ispred Ministarstva za prostorno uređenje, promet i komunikacije i zaštitu okoline Zeničko-dobojskog kantona

Pristup servisima IPP FBIH i korisnički pregled podataka

Federalna uprava za geodetske i imovinsko-pravne poslove je u proteklom periodu, zajedno sa subjektima IPP FBIH, aktivno radila na harmonizaciji prostornih podataka sukladno tehničkim specifikacijama INSPIRE Direktive. Kroz projekat izrade ETL procedura koji je započeo prethodne 2023. godine, a završio početkom tekuće 2024. godine, izvršena je harmonizacija 12 izvora prostornih podataka koji su u nadležnosti 5 subjekata IPP FBIH.

"Mišljenja sam da se za godinu dana pod koordinacijom Federalne uprave za geodetske i imovinsko-pravne poslove (FGU) mnogo postiglo na putu prema usklađenosti s INSPIRE Direktivom, što je omogućilo ne samo interoperabilne već i lako dostupne prostorne podatke putem novog Preglednika IPP FBIH. Kao rezultat ovih napora, sada možemo jednostavno pristupiti raznovrsnim prostornim podacima poput geoloških karata, administrativnih jedinica, meteoroloških podataka, korištenja zemljišta, sve putem jednog sučelja na Web GIS pregledniku IPP FBIH. Pozivam sve zainteresirane strane da istraže novi Web GIS preglednik IPP FBIH na njihovoj službenoj web stranici. Sada je lakše nego ikad prije pristupiti i koristiti prostorne podatke koji su ključni za budući razvoj naše zajednice."

Damir Črnica,

koordinator IPP FBIH aktivnosti ispred Ministarstva za prostorno uređenje, promet i komunikacije i zaštitu okoline Zeničko-dobojskog kantona

[Opširnije](#)

Svjetska Banka odobrila novi projekat modernizacije sektora zemljišne administracije u Federaciji BiH

Federacija BiH ima namjeru modernizirati i unaprijediti tačnost i dostupnost podataka u sektoru Zemljišne administracije, a putem Projekta geoprostorne infrastrukture i procjene vrijednosti nekretnina (Geospatial Infrastructure and Valuation Enhancement, GIVE project). Za potrebe implementacije projekta kojim će upravljati Federalna uprava za geodetske i imovinsko-pravne poslove, 15.05.2024. godine je od odbora izvršnih direktora Svjetske Banke odobren zajam ukupnog iznosa 23,1 miliona eura.

Više informacija o GIVE projektu možete pronaći klikom na taster ispod.

[Opširnije](#)



NAJAVE

Konferencija "Dani infrastrukture prostornih podataka Federacije BiH"

Federalna uprava za geodetske i imovinsko-pravne poslove, kao Koordinacijsko tijelo Infrastrukture prostornih podataka u Federaciji BiH, organizira petu po redu konferenciju „Dani Infrastrukture prostornih podataka Federacije Bosne i Hercegovine“, 10. i 11.10.2024. godine.

Konferencija je prilika za okupljanje svih sudionika u području infrastrukture prostornih podataka te oportunita za razgovor, razmjenu mišljenja i iskustava kao i pregled trenutnog napretka na ovom polju.



Detaljne informacije o konferenciji (lokacija, program, pozvana predavanja i predavači) bit će objavljene u drugoj obavijesti sredinom 9. mjeseca, a planirana su predavanja i prezentacije uglednih stručnjaka iz regije, inozemstva i Bosne i Hercegovine, kao i privatnog i akademskog sektora.

Izgradnja kapaciteta i edukacije zaposlenika subjekata IPP FBIH

U cilju izgradnje kapaciteta u oblasti Infrastrukture prostornih podataka Federacije Bosne i Hercegovine (IPP FBIH), Federalna uprava za geodetske i imovinsko-pravne poslove (FGU) a uz pomoć proračunskih sredstava osigurala je edukaciju zaposlenika subjekata IPP FBIH, koja će se vršiti putem kvalificiranog pružatelja usluga s iskustvom u izgradnji kapaciteta u području IPP i prostornih podataka općenito.



Osnovni cilj provođenja edukacije je omogućiti polaznicima sticanje osnovnih i naprednih stručnih kompetencija vezanih uz korištenje alata za diseminaciju prostornih podataka. Interes za edukacijama je iskazalo 16 institucija/javnih preduzeća odnosno 31 predstavnik. Obuke su planirane u 9. mjesecu 2024. godine a o tačnim terminima obuke zainteresirani će biti obaviješteni putem email-a.



Hamdije Kreševljakovića br. 96
71 000 Sarajevo
+387 33 712 616
ipp.fbih@fgu.com.ba

[View email in browser](#)
[update your preferences](#) or [unsubscribe](#)

